

समे – 12:25 hrs.

<><><><><><>

APM LA

विधानसभा स्पीकर अब्दुल रहीम राथर होरें विधानसभा दे बजट इजलास कोला पैहले अज्ज सब्भनें पार्टिएं दी इक बैठक सददी दी ऐ तांजे इजलास गी बवस्थित ढंग्गे'नै चलाना जकीनी बनाया जाई सकै। आकाशवाणी दे जम्मू संवाददाता दी रिपोर्ट मूजब, अज्ज लग्गने जा'रदी सब्भनें पार्टिएं दी बैठक च जेहड़े नेताएं गी साद्दा दिता गेदा ऐ उं'दे च बरोधी धड़े दे नेता ते बीजेपी विधायक सुनील शर्मा ते सुरजीत सिंह सलाथिया, नेशनल कांफ्रेंस दे अली मोहम्मद सागर ते मुबारक गुल, कांग्रेस दे गुलाम अहमद मीर, पीपुल्स कांफ्रेंस दे सज्जाद गनी लोन, सीपीआई(एम) दे मुहम्मद युसुफ तारीगामी, पीडीपी दे वहीद-उर-रहमान परा ते निर्दलीय विधायक मुजफ्जर इकबाल खान शामिल न। विधानसभा दा बजट इजलास मता हंगामेदार रेई सकदा ऐ कीजे मुख बरोधी पार्टिएं जि'आं बीजेपी, पीडीपी ते पीपुल्स कांफ्रेंस नै बक्ख-बक्ख मुद्दे-मसलें गी लेइयें मुखमंत्री ओमर अब्दुल्ला हुंदी अगुवाई आहली सरकार गी घेरने दी तैयारी करी रक्खी दी ऐ। तोआई पीपुल्स कांफ्रेंस दे अध्यक्ष सज्जाद गनी लोन होरें 5 अगस्त 2019 गी लैते गेदे फैसलें दी निंदेआ सने दफा 370 दी ब्हाली दी मंग आहला इक प्रस्तास जमा करोआया ऐ। एहदे अलावा पीडीपी दे विधायक मीर मुहम्मद फैय्याज़ ते नेशनल कांफ्रेंस दे विधायक एहसान परदेसी ते ए.आई.पी. दे विधायक षेख खुर्शीद अहमद होरें जम्मू-

कश्मीर च शराब दी बिक्री ते खपत पर रोक दी मंग आहले बक्खरे-बक्खरे बिल जमा करोआए न।

<><><><><><>

NC LPM

3 मार्च थमां शुरु होन जा'रदे बजट इजलास कोला इक दिन पैहले यानि 2 मार्च गी नेशनल कांफ्रेंस नै पार्टी विधायक दल बैठक दी इक बैठक सद्दी ऐ तांजे इजलास लेई अपनी रणनीति तैयार कीती जाई सकै। पार्टी दे चीफ विप मुबारक गुल हुंदे मूजब एह बैठक मुखमंत्री हुंदी वज़ारत रोड जम्मू आहली सरकारी कोठी दे बैंक्वेट हॉल च दपैही 2 बजे लोआई जाहग ते एहदी प्रधानता मुखमंत्री ओमर अब्दुल्ला होर करडन। गुल होरें नेशनल कांफ्रेंस दे सब्भनै विधायकें गी इस महत्वपूर्ण बैठक च शामिल होने दी गुजारिश कीती ऐ।

<><><><><><>

Search-Ops

फौज दी गड्डी उप्पर होई दी गोलीबारी दे मददेनज़र भारती फौजै आखेआ ऐ जे रजौरी जिले दे सुंदरबनी सैक्टर च आतंकवादिएं दे सफाये लेई तपाशी अभियान पूरी मुस्तैदी कन्नै चलाए जा करदे न। ध्यानजोग ऐ जे जंदे रोज आतंकवादिएं सुंदरबनी अखनूर च फौज दी कानवाई उप्पर गोलीबारी कीती ही। फौज दी व्हाईट नाईट कोर नै सोशल मीडिया मंच - एक्स पर जारी इक स्नेह च आखेआ हा जे एह गोलीबारी असरदार नेई ऐ ही ते स्हाड़े जवानें बी तुरत एहदे

पर बनकदी कार्रवाई कीती। फौज नै आखेआ ऐ जे किश सोशल मीडिया हैंडल, जवानें दे शहीद होने दे दावे करै करदे न जेहड़े भलेआं गलत ते बेबुनियाद न।

<><><><><><>

Maha Shivratri Mahotsav

सैलसफा मैहकमे दिएं कमिशनर सैक्रेटरी यशा मुदगल हुंदे मार्गदर्शन तैहत सैलसफा मैहकमे आसेआ जम्मू-कश्मीर दी कला, संस्कृति ते भाषाएं सरबन्धी अकैडमी ते जिला प्रशासन जम्मू दे सैहयोग कन्नै पीरखो मंदर जम्मू च कल दुए रोज बी महाशिवरात्रि महोत्सव दा जश्न मनाया गेआ। इस मौके उप्पर मन्ने-परमन्ने दे कलाकार रवि रघुवंशी ते होरनें कलाकारें अपनियें पेशकारिएं दे राहें उत्थे मजूद लोकें दा मन परचाई लैता। सांसद जुगल किशोर शर्मा, जम्मू ईस्ट थमां विधायक युद्धवीर सेठी ते सैलसफा विभाग जम्मू दे डरैक्टर विकास गुप्ता होर बी इस मौके पर उत्थे मजूद हे। अपने संबोधन च डरैक्टर होरें आखेआ जे नेह महोत्सव, जम्मू-कश्मीर दी सांस्कृतिक विरासत दे संरक्षण च अहम भूमिका निभांदे न ते इंदे कन्नै धार्मिक सैलसफा गी बी बढ़ावा थहोंदा ऐ। शिवरात्रि महोत्सव दा आयोजन सांबा च पुरमंडल ते उत्तरबैहनी सने रणसू च शिवखोड़ी धाम पर बी कीता गेआ।

<><><><><><>

Mahakukbh-2025

उत्तर प्रदेश दे प्रयागराज च महाकुम्भ कल रातीं महाशिवरात्रि दे पवित्र स्नान कन्नै सम्पन्न होई गेआ। 45एं दिनें दे इस आध्यात्मिक महाकुम्भ च 66 करोड़ 30 लक्ख शा मते श्रद्धालुएं

चलोबी लाई। महाकुम्भ च राष्ट्रपति द्रौपदी मुर्मू, प्रधानमंत्री नरेंद्र मोदी, भूटान दे नरेश जिग्मे खेसर नामग्याल वांगचुक, विदेशी प्रतिनिधिमंडल, बक्ख-बक्ख राज्यें दे राज्यपालें ते मुखमंत्रिं ते केई केंद्री मंत्रिं सने प्रमुख हस्तिं बी पवित्र डुबकी लाई। महाकुम्भ मेले आहले खेतर च भारती वायु सेना दे एयर शो कन्ने उत्तर प्रदेश सरकार आसेआ गुलाब दी पंखुड़िं दी बरखा नै श्रद्धालुं गी इक बक्खरा ते दिव्य अनुभव दिता। उत्तर प्रदेश दे मुखमंत्री योगी आदित्यनाथ होरें श्रद्धालुं, संतें ते कल्पवासिं गी शुभकामनां दितियां।

<><><><><><>

Vaishnav Prayagraj Junction

रेल मंत्री अश्विनी वैष्णव होरें आखेआ ऐ जे प्रयागराज च महाकुंभ लेई 16 जहार शा बद्ध ट्रेनां चलाइयां गेइयां। प्रयागराज जंक्शन पर संवाददातां गी संबोधित करदे होई श्री वैष्णव होरें आखेआ जे प्रयागराज थमां तकरीबन 4 करोड़ 50 लक्ख जातरिं, रेलगड्डिं दे राहें यात्रा की। उंनै दस्सेआ जे रेलवे नै पिच्छले ढाई बरें थमां इस पर कम्म कीता ऐ ते तकरीबन 5 जहार करोड़ रुपें दा निवेश कीता ऐ। वैष्णव होरें दस्सेआ जे महाकुंभ लेई 21 शा मते फलाईओवर ते अंडरपास बनाए गे न। उंनै गलाया जे एहदी योजना बनांदे बेल्ले श्रद्धालुं दी यात्रा सखल्ली बनाने पर ध्यान केंद्रित कीता गेआ। वैष्णव होरें गलाया जे महाकुंभ दा कामयाब आयोजन जीआरपी, पुलिस, आरपीएफ ते रेलवे सने बक्ख-बक्ख एजेंसिं दे सांझे जतनें करी मुमकन होई सकेआ ऐ। उंनै आखेआ जे इस बरे दा महाकुंभ भारत दी आस्था ते एकता दा परिचय हा।

<><><><><><>

Cricket-ICC

पुरुषों के क्रिकेट च आई.सी.सी चैंपियन्स ट्रॉफी च कल रातीं लाहौर के गद्दाफी स्टेडियम च अफगानिस्तान ने इंग्लैंड की 8 रन्जें कन्ने हराई दी। इस हार कन्ने इंग्लैंड इस टूर्नामेंट का बाहर होई गेआ ऐ। अफगानिस्तान आसेआ दिते गेदे 326 रन्ज दा पिच्छा करदे होई इंग्लैंड की पूरी टीम 317 रन्ज पर ऑलआउट होई गई।

<><><><><><>